

99% di e hobennan cu ta haya ayudo di MFAA ta pa uso di marihuana

ORANJESTAD (AAN) – Emilaine Webb, Trahador Social di FMAA a hiba palabra den conferencia di prensa yama pa FADA, ken a duna di conoce cu actualmente e ta trahando directamente cu e hobennan y el a trece algun punto acerca, y kico e institucion ta para pe.


Emilaine a comenta cu nan ta duna e servicio na e hoben pa asina stop e uso di droga, cual cu e por ta, sea marihuana, cocaina of crack.

E hoben a relata cu 99% di e hobennan cu ta haya ayudo di MFA ta uza marihuana of un derivado di esaki.

El a bisa cu danki DIOS 1% so ta pa uso di cocaina.

CIFRA:

Aña pasa FMAA a ricibi 317 hoben pa drug test. Nan a bin di diferente instancia y scol tambe. Tin hopi scol aworaki cu tin un maneho, cu si nan sospecha cu un alumno ta haci



uso di marihuana ta wordo referi na FMAA pa haci test di droga cu nan, y ora e hoben sali positivo, e ta wordo ofreci yudanza.

E yudanza cu nan ta haya ta educacion tocante droga, marihuana den esaki, pero tambe riba otro aspectonan cu por tin influencia riba e hoben.

Emilaine mes, ora un ho-

ben bise cu el a busca informacion online y cu eynan ta bisa cu marihuana ta bon, y cu nan ta demonize, e ta bisa nan pa bin cu nan informacion pa discuti tocante esaki. E hobennan ta na haltura di antemano di ki seccion nan ta bay haya. E trahador social a subraya cu e hoben tin derecho tambe di haci su

onderzoek.

El a agrega cu hopi pais cu a legaliza uso di marihuana no a hacie pa hoben. Un bendedor legal, cu ta vende e droga aki na hobennan bao di 21 of 25 aña (segun e ley vigente den e paisnan concerni) ta perde su permiso.

Ora e hoben puntra pakico, Emilaine ta splica nan kico

e droga aki ta haci cu cerebro di un hoben, y kico ta e consecuencianan cu e por trece pa nan estudio, manera cu e psiquiatra a menciona.

El a duna di conoce cu hopi hoben ora ta haya e informacion aki ta opta pa stop di uza marihuana como hoben cu kier progresa den bida, caba nan estudio, haya un bon trabao, sali for di e problema financiero den cual como mucha el a lanta den dje, e kier ta diferente cu su mayor, por ehemplo. Pasobra si e tin problema social den cas, uso di droga no ta e caminda mas facil pa bay. Esaki pasobra scol lo no acepta e uso di marihuana, y por yega momento cu e no por bay scol mas, y esaki no ta cumbini e hoben.

FMAA tey pa duna e servicio y yuda e hoben stap pa stap, pa e stop e uso di marihuana.